


Castro Perez



Un maestro cu ta siña su alumnonan e caminda di honor, honestidad, curashi, respet y disciplina, ta un constructor di ciudadanonan cu den futuro lo ta e lidernan cu ta dirigi nos pais di un forma intachabel y ademas di ta e ciudadanonan cu lo saca cara pa su pais den tur area, sea den deporte, of den cualkier area di nos bida cu tin un reto nos dilanti

Castro Perez ta un respetabel ehempel di e descripcion di un maestro asina. 2de Dan den Tae Kwon Do, Castro a inicia den e arte marcial na


Costa Rica na aña 1987, y un aña despues a regresa Aruba, unda cu bao di guia di Master Jose "Chaco" Cornelio, a continua den e practica di esaki durante 15 aña largo.

Castro su deseo semper tabata pa doctrina su alumnonan bao e principionan y filosofia di Tae Kwon Do, principionan cu segun Castro, ta e yabi pa un persona por triunfa den su bida y ademas di ta e caracteristicanan di un persona ehemplar, y kizas pa e motibo aki, e ta gusta mas traha cu gruponan di mucha chikito, ya cu e tin bon conocimiento di pedagogia pa siña e principionan aki na e muchanan.

Sr. Perez, ta fungi como Ecotourism Project Manager/ Dive Market Specialist, y ademas e ta haci e trabao di Relacionista Publico di A.T.A (Aruba Tourism Authority) encarga entre otro pa organiza e campaña anual di con cientizacion Aruba Reef Care Project Manager cu por cierto e aña aki ta cumpli 10 aña di existencia, y

actualmente e tin 15 aña den servicio di A.T.A.

Sr.Perez ta felizmente casa cu Nancy Perez- Uribe cu kende e tin un bunita princes, esta Veronica di 2 aña y 7 luna di edad y e ta biba na San Miguel, ademas e ta duna les na Washington Tae Kwon Do Center den Gymzaal di Scol Preparatorio Washington, diamars y diahuebs di 6'or pa 7'or di atardi pa alumnonan di 4 te cu 15 aña y di 7'or pa 8'or pa esnan di 15 aña bay ariba.



LOTTO PA DEPORTE